



**ZAPISNIK O RADU 43. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 26.06.2023. GODINE**

Broj: 01-GV-02-971/23

Sarajevo, 26.06.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika „Deljković-Simonović“
6. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
7. Adi Škaljić, predsjedavajući Kluba gradskih vijećnika Naše stranke
8. Muamer Mekić, predsjedavajući Kluba gradskih vijećnika Socijaldemokratske partije BiH
9. Enisa Spahić, zamjenica predsjedavajuće Kluba gradskih vijećnica „Enisa Spahić-Amra Zulfikarpašić“
10. Bajro Biber, predsjedavajući Kluba gradskih vijećnika „USD-BOSS“
11. Jasmin Skrupan, predsjedavajući Kluba gradskih vijećnika „Korora/Skorupan“
12. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
13. Samir Bejić, predsjedavajući Kluba gradskih vijećnika „Danijela Šahat - Samir Bejić“
14. Mila Eminović, sekretar Gradskog vijeća

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovali Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 13.50 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** Zapisnik o radu 42. sjednice Kolegija Gradskog vijeća, održane 01.06.2023. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** dnevni red 43. sjednice Kolegija Gradskog vijeća, tako da glasi:

1. Priprema za održavanje Tematske sjednice Gradskog vijeća Grada Sarajeva
2. Priprema za održavanje 30. sjednice Gradskog vijeća Grada Sarajeva
3. Tekuća pitanja



Ad1)

Priprema za održavanje Tematske sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći **zaključak**:

- Tematska sjednica Gradskog vijeća Grada Sarajeva na temu problema u provođenju nadležnosti u oblasti urbanog planiranja će se održati u **srijedu 12.07.2023. godine u Vijećnici** sa početkom u **10.00 sati**;
- Gradonačelnica će inicijalni materijal dostaviti Predsjedavajućem najkasnije u **utorak 04.07. do 10.00 sati**;
- Materijal iz alineje 2. Zaključka bi trebao glasiti: Informacija o stanju i preprekama s kojima se Grad Sarajevo susreće u provedbi svog djelokruga iz Zakona o prostornom uređenju Kantona Sarajevo sa pojedinačnim osvrtom na izradu svakog od regulacionih planova kojima je Grada Sarajevo pristupio, te drugih planskih dokumenata iz nadležnosti Grada Sarajeva, ali i drugih subjekata, a koji se odnose na Grad Sarajevo, eventualno, sa prijedlogom zaključaka;
- Sjednica Odbora za urbanizam i upotrebu lokalnog zemljišta će se održati u sedmici koja počinje u **ponedjeljak 03.07.2023. godine**;
- Pozivi gradskim vijećnicima za Tematske sjednicu Gradskog vijeća će se uputiti najkasnije u **srijedu 05.07.2023. godine**.

Jasmina Ademovića, predsjedavajućeg Gradskog vijeća je naglasio da će na Tematsku sjednicu biti pozvani predstavnici relevantnih institucija.

Ad 2)

Priprema za održavanje 30. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći **zaključak**:

- 30. sjednica Gradskog vijeća će se održati u **srijedu 26.07.2023. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **četvrtak 06.07.2023. godine do 10.00 sati**;
- Sjednice radnih tijela, u pripremi 30. sjednice Gradskog vijeća, će se održavati **od ponedjeljka 10.07.2023. godine do četvrtka 13.07.2023. godine**;
- Pozivi gradskim vijećnicima za 30. sjednicu Gradskog vijeća će se uputiti najkasnije u **utorak 18.07.2023. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Informacija o realizaciji vijećničkih pitanja i inicijativa, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 30. sjednice Gradskog vijeća.

Izvještaj o korištenju sredstava tekuće rezerve, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 30. sjednice Gradskog vijeća.

Informacija o pripremi organizacije dočeka Nove 2024. godine, prema informaciji Gradonačelnice, **nije spremna** i neće biti uvrštena u prijedlog dnevnog reda 30. sjednice Gradskog vijeća.

Nacrt Odluke o podizanju spomen-obilježja civilnim žrtvama rata Kantona Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 30. sjednice Gradskog vijeća.

Informacija o implementaciji Plana djelovanja za mlade, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 30. sjednice Gradskog vijeća.

Jasmina Ademovića, predsjedavajućeg Gradskog vijeća je najavio da će na 30. sjednicu Gradskog vijeća, u svojstvu ovlaštenog predlagača, kao novi prijedlog, uputiti Prijedlog Odluke o formiranju Organizacionog odbora za obilježavanje 40. godišnjice održavanja ZOI 84.

Zatim je, ukratko, informisao članove Kolegij Gradskog vijeća o održanoj sjednici Inicijativnog odbora za obilježavanje 40. godišnjice održavanja ZOI 84.

c. Teme planirane Programom rada Gradskog vijeća Grada Sarajeva za 2023. godinu, a koje nisu realizovane u periodu januar - juni

Informacija o procesu donošenja urbanističkog plana urbanog područja Sarajevo (Stari Grad, Centar, Novo Sarajevo, Novi grad, Ilidža i Vogošća) do 2036. godine i obaveznoj primjeni mjera zaštite ventilacionih koridora, prema informaciji Gradonačelnice, **nije spremna** i neće biti uvrštena u prijedlog dnevnog reda 30. sjednice Gradskog vijeća.

Informacija o realizaciji Projekta revitalizacije uređenja platoa ispred bivše zgrade kasarne „Jajce“, prema informaciji Gradonačelnice, **nije spremna** i neće biti uvrštena u prijedlog dnevnog reda 30. sjednice Gradskog vijeća.

Informacija o pregledu stanja i realiziranim aktivnostima planiranim u Strategiji razvoja grada, 2021-2027, dio 6. Grad čuvar, za marginalizirane skupine, prema informaciji Gradonačelnice, **nije spremna** i neće biti uvrštena u prijedlog dnevnog reda 30. sjednice Gradskog vijeća.

Informacija o realizaciji projekta sanacije zacjevljenog Bistričkog potoka, prema informaciji Gradonačelnice, **nije spremna** i neće biti uvrštena u prijedlog dnevnog reda 30. sjednice Gradskog vijeća.

Prijedlog Odluke o podizanju spomen-ploče Aidi Buturović, prema informaciji Gradonačelnice, **nije spreman** i neće biti uvršten u prijedlog dnevnog reda 30. sjednice Gradskog vijeća.

Prijedlog Odluke o izmjeni Odluke o podizanju spomenika bosanskom kralju Tvrtku I Kotromaniću, prema informaciji Gradonačelnice, **nije spreman** i neće biti uvršten u prijedlog dnevnog reda 30. sjednice Gradskog vijeća.

Nacrt Poslovnika Gradskog vijeća Grada Sarajeva

Jasmina Ademovića, predsjedavajućeg Gradskog vijeća je upoznao članove Kolegija Gradskog vijeća da će Stručna služba za poslove Gradskog vijeća pripremiti radni materijal Nacrta Poslovnika Gradskog vijeća i uputiti ga Komisiji za Statut i akte, kao predlagaču materijala, na razmatranje.

d. Novi prijedlozi

Aida Bajramović, sekretarka organa uprave, je upoznala članove Kolegija da će Gradonačelnica za 30. sjednicu Gradskog vijeća predložiti i sljedeće materijale:

- Informacija o broju noćenja i popunjenosti turističkih kapaciteta u gradu Sarajevu u vrijeme novogodišnjih praznika i javnog dočeka Nove 2023. godine i ostvarenim porezima i ostalim prihodima;
- Prijedlog Odluke o usvajanju RP „Reljevo“ sa Prijedlogom Odluke o provođenju RP „Reljevo“;
- Informacija o aktivnostima radne grupe za projekat „Čista rijeka Miljacka“;
- Prijedlog Odluke o davanju saglasnosti gradonačelnici Grada Sarajeva za potpisivanje Memoranduma o razumijevanju između Grada Sarajeva, Bosna i Hercegovina, i Grada Annapolisa, američka savezna država Maryland.

Ad 3)

Tekuća pitanja

Obzirom da pod ovom tačkom dnevnog reda nije bilo prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.05 sati.

SEKRETAR GRADSKOG VIJEĆA

Mila Eminović

PREDSJEDAVALJUĆI GRADSKOG VIJEĆA

Jasmin Ademović, s.r.